




پریدر خاك ایدرسه سنی اول زلف سیام
 کوکل اوچندن ایرر جسم ایله بوجانه تباه
 کیجه کوندز نیچه براییه سک بویله جه آم
 کوکل ، ای وای کوکل ، وای کوکل ، ای وای کوکل
 دخی دلبر لر ایله ایتیمیم قول وقرار
 کورد کیجه ایدیم آنلری هر دمده فرار
 اختیار الله دکل نیلیمیم آخر کار
 کوکل ، ای وای کوکل ، وای کوکل ، ای وای کوکل
 ای (محبی) نیچه برزمر فلك نوش ایدمسن
 نیچه بریار خیالی دراغوش ایدمسن
 اویوبن کوکلکه بو عقلی فراموش ایدمسن
 کوکل ، ای وای کوکل ، وای کوکل ، ای وای کوکل



عادله سلطان حضر تلرینک شهزاده محمود جلال الدین

افندی حضر تلرینک وفاتنه ترجیع بند صورتلی

مرثیه سلطانیلری [۱]

شاهنشاه دوران ایکن عبدالعزیز خلدجام
 ال ویرمدی ظالم فلك یارا اولمدی | بخت سیاه
 قالمشدی بر شهزاده سی ماننده خورشید و ماه

[۱] شهزاده محمود جلال الدین افندی سلطان عبدالعزیز خان حضر تلرینک
 صلب عالینندن ۱۲۷۹ جمادی الاولنک یکریمی برنده تولد ایلوب پدری آوان
 سلطنتنده بحریه عساکر شاهانه مسلکنده مقید اوله رق لوا و فریق اولشیدی .
 ۱۲۹۳ جمادی الاولنده خدمتندن معفو قالدی . ۱۳۰۵ ذی الحجه سنک یکریمی
 دردنجی کیجه سی وفات ایدوب ایرتسی کونی یکی جامع تربه سنه دفن ایدلشد .
 عاقل ، کامل ، عفیف ، متقی ایدی . (سجل عثمانی)

ایتدی ابلده عاقبت اول غنجه یی شیو و تباه
بك كنچ ايكن ايتدی وفات محمود جلال الدین آم
ماتم طوتارسه کائنات شایسته در بی اشتباه

خانی کوزل حسنی کوزل برما ایدی اول نوجوان
کلر کبی آچیلمه دن صولدردی رخسارین خزان
عجرائی یاقدی جانمی یاندم امان و الأمان
کیتدی المدن ایلم ببل کبی آم و فغان

بك كنچ ايكن ايتدی وفات محمود جلال الدین آم
ماتم طوتارسه کائنات شایسته در بی اشتباه

ای دادرم عبدالعزیز، جنت سکا اولسون مکان
سن کورمده اولادیکه قیدی اصل ظالم جهان
ماجز قالب در ماندن اولدی حکیمان ناتوان
بولدی یی عاقبت اللهم امری بی کان

بك كنچ ايكن ايتدی وفات محمود جلال الدین آم
ماتم طوتارسه کائنات شایسته در بی اشتباه

ای (حادله) آکا اول دنیا و مافیها نه در
لازم اولان اهل دله میخانه در پیمانه در
زیرا بودنیانک صوکی برشی دکل ویرانه در
فریاد ایدره عندلیب سوزان اولان پروانه در

بك كنچ ايكن ايتدی وفات محمود جلال الدین آم
ماتم طوتارسه کائنات شایسته در بی اشتباه